


**ГОВЬ-АЛТАЙ АЙМГИЙН ТАЙШИР СУМЫН МАН-ЫН
ХОРООНЫ ОРОН НУТГИЙН СОНГУУЛЬД ОРОЛЦОХ
МӨРИЙН ХӨТӨЛБӨР
/2020-2024 ОН/**

**АЛТАЙ ХОТ
2020 ОН**



Говь-Алтай Тайшир сумын МАН-ын хорооны

2020 оны 06 сарын 23-ны өдрийн

09 дугаар тогтоолын хавсралт

**ГОВЬ-АЛТАЙ АЙМГИЙН ТАЙШИР СУМЫН МАН-ЫН ОРОН НУТГИЙН
СОНГУУЛЬД ОРОЛЦОХ МӨРИЙН ХӨТӨЛБӨР**

/2020-2024/

АГУУЛГА

НЭГ. ХҮНИЙ ХӨГЖИЛ- НИЙГМИЙН ДЭВШИЛ

1. Эрүүл мэндийн бодлого
2. Биеийн тамир, спортын бодлого
3. Боловсрол, соёл, шинжлэх ухааны хөгжлийг дэмжих бодлого
4. Нийгмийн хамгаалал, хөдөлмөр эрхлэлтийг дэмжих бодлого
5. Хүүхэд залуучууд, ахмад настан, эмэгтэйчүүдийг дэмжих бодлого

ХОЁР. ЭДИЙН ЗАСАГ-АЖЛЫН БАЙР

1. Мал аж ахуйг эрчимжүүлэх
2. Газар тариалан эрхлэлтийг нэмэгдүүлэх
3. Бизнес эрхлэлтийг дэмжих
4. Төсөл, зээлийн таатай орчныг бий болгох
5. Ажлын байрыг нэмэгдүүлэх

ГУРАВ. ДЭД БҮТЭЦ-ҮЙЛДВЭРЖҮҮЛЭЛТ


1. Ундны усны найдвартай эх үүсвэрийг санаачлах
2. Эрчим хүчний өргөтгөл, шинэчлэл
3. Зам, тээвэр, үйлдвэржилтийн бүтээн байгуулалт
4. Хот байгуулалт, барилга орон сууцны хөгжил
5. Мэдээлэл, харилцаа холбооны дэвшил

ДӨРӨВ. БАЙГАЛЬ ОРЧИН-АЯЛАЛ ЖУУЛЧЛАЛ

1. Онгон байгалиа хамгаалах
2. Орон нутгийн онцлогт тохирсон аялал жуулчлалыг хөгжүүлэх
3. Бичил уурхай иргэдийн оролцоо
4. Улс болон орон нутгийн тусгай хамгаалалтыг нэмэгдүүлнэ
5. Цөлжилт, элсний нүүдлээс хамгаалах, ногоон байгууламж

ТАВ. ИРГЭДИЙН ОРОЛЦОО- ЗӨВ ЗАСАГЛАЛ

1. Эрх мэдэлтнийг биш, эрх зүйт төрийг дээдэлнэ
2. Түмэндээ ойртсон төрийн үйлчилгээ
3. Авилга, хүнд суртал, чирэгдэлгүй зөв засаглал



4. Гэмт хэргээс урьдчилан сэргийлэх ажлыг зохион байгуулах
5. Гадаад харилцаа, хамтын ажиллагаа

НЭГ. ХҮНИЙ ХӨГЖИЛ-НИЙГМИЙН ДЭВШИЛ

Мэргэжлийн чадварлаг боловсон хүчнээр бүрэн хангагдсан, эрүүл мэнд, Боловсрол, соёл, халамжийн үйлчилгээг чанаржуулж, хүртээмж үр өгөөжийг нэмэгдүүлэн, хөдөлмөр эрхлэлтийг дэмжих замаар иргэн бүрийн амьдралын чанарыг дээшлүүлнэ.

1.1. Эрүүл мэндийн бодлого


- 1.1.1. Орон нутгийн эмч, эмнэлгийн ажилтны хүрэлцээ хангамж ур чадварыг сайжруулан, эмчилгээ оношлогооны шинэ дэвшилтэт арга барил эзэмшүүлж, нэвтрүүлэх зэрэг асуудлыг үе шаттай шийдвэрлэнэ.
- 1.1.2. “**Эрүүл хүүхэд – Тайширийн ирээдүй**”, “**Амны хөндий**” дэд хөтөлбөр боловсруулан хэрэгжүүлж, эрүүл зан үйлийг хэвшүүлэх, халдварт бус өвчнөөс урьдчилан сэргийлэх зорилгоор эрүүл мэндийн сургалт, сурталчилгааг тогтмолжуулна.
- 1.1.3. Эрүүл мэндийн явуулын үзлэг, оношилгоог бүх багт жил бүр зохион байгуулна.
- 1.1.4. Уламжлалт болон физик эмчилгээг түлхүү хөгжүүлж, уг тусламжийг үзүүлэх мэргэжилтэн бэлтгэнэ.
- 1.1.5. Сумын нэгдсэн эмнэлэгтэй нягт уялдан, сүүлийн үеийн техник, тоног төхөөрөмжүүдийг нэвтрүүлэх замаар эмнэлгийн чанар хүртээмжийг сайжруулна.

1.2. Биеийн тамир, спортын бодлого

- 1.2.1. “**Аваргын гараа**” хөтөлбөр хэрэгжүүлж, өсвөр үеийн шигшээ багийг спортын гурваас доошгүй төрлөөр бэлтгэж, өсвөр үеийн тамирчдыг дэмжиж ажиллана.
- 1.2.2. Хөдөөгийн хүүхэд залуучуудыг биеийн тамир, спортоор хичээллэх боломж нөхцөлийг бүрдүүлж, спорт заалыг шинэчлэх, засварлах ажлыг үе шаттай зохион байгуулна.
- 1.2.3. Шатрын спортын менежментийг сайжруулж, шатрын спортыг бүх нийтийн хүртээл болгон хөгжүүлнэ.

1.3. Боловсрол, соёл, шинжлэх ухааны хөгжлийг дэмжих бодлого

- 1.3.1. Бүх нийтийн боловсролын түвшинг дээшлүүлэн, цэцэрлэг, соёлын төв, дотуур байрны орчин нөхцөлийг сайжруулан, сургалтын материаллаг бааз, тоног



2.1.1. Малжуулах аяныг үргэлжлүүлэн, мал аж ахуйн үйлдвэрлэлд тогтвортой ажиллаж байгаа цөөн малтай малчин өрхийг эхний ээлжинд хамруулах арга хэмжээг авна.

2.1.2. Мах сүүний чиглэлийн ашиг шимтэй малын фермерийн аж ахуйг хөгжүүлэх сонирхолыг дэмжиж, үр ашгийг дээшлүүлнэ.

2.1.3. Сумын өвс тэжээлийн нөөцийн цэгтэй болж, мал аж ахуйг эрсдэлээс хамгаалах арга хэмжээг үр дүнтэй зохион байгуулна.

2.1.4. Мах экспортлох байрлалын давуу боломжоо ашиглан сум дундын стандартын шаардлага хангасан нядалгааны цехийг бий болгох асуудлыг бодлогоор дэмжинэ.

2.1.5. Ямааны хээлтүүлэгчийг чанаржуулах замаар ноолуурын чанар, гарцыг сайжруулна.

2.2. Газар тариалан эрхлэлтийг нэмэгдүүлэх

2.2.1. Хадлангийн талбайг нэмэгдүүлэн Хуримтын услалтын системийг их засварт оруулан, үр бордооны шинэчлэл хийж, төмс хүнсний ногооны хэрэгцээг бүрэн хангаж, сумын хэрэгцээг ханган тэжээлийн бага оврын үйлдвэр байгуулна.

2.2.2. Жимс, жимсгэний тариалалтыг эрс нэмэгдүүлж, бодлогын дэмжлэг үзүүлнэ.

2.2.3. Төмс, хүнсний ногоо хадгалах зоорийг байнгын ашиглалттай болгож, сумын иргэдийг хүнсний ногоогоор хангана

2.2.4. Газар тариалангийн бүс нутагт техникийн шинэчлэл хийнэ.

2.2.5. Хүлэмжийн аж ахуй хөгжүүлэх, ялангуяа өвлийн дулаалгатай хүлэмжийн тариалалтыг нэмэгдүүлнэ.

2.2.6. Тариалангийн талбайн хэмжээг хоёр дахин нэмэгдүүлнэ.


2.3. Бизнес эрхлэлтийг дэмжих

2.3.1. Бизнес эрхлэгчдийн үйл ажиллагаа эрхлэх таатай орчинг бүрдүүлж, төрийн байгууллагын хуулт бус дарамт шахалтыг арилгана.

2.3.2. Брэнд бүтээгдэхүүний үйлдвэрлэл эрхлэлийг дэмжин, стандарт эрүүл ахуйн шаардлагад нийцсэн бүтээгдэхүүнийг зах зээлд нийлүүлэх боломжийг бүрдүүлж, борлуулалтын сүлжээг бий болгоно.

2.3.3. Жижиг дунд болон өрхийн үйлдвэрлэл, худалдаа, үйлчилгээ эрхлэгчдийг төсөл хөтөлбөрүүдэд хамруулан, ажлын үр өгөөж, хүртээмжийг дээшлүүлнэ.

2.3.4. Хувийн хөрөнгө оруулалтыг эдийн засгийн бодит салбарт оруулах нөхцөл боломжийг дэмжиж, эдийн засгийн өсөлтийг нэмэгдүүлнэ.



2.3.5. Баялаг бүтээгч иргэдийг “Алтай- Түншлэл” үзэсгэлэн худалдаанд оролцуулж, **Нэг Өрх- Нэг Бүтээгдэхүүн** үзэсгэлэн худалдааг сумд жил бүр зохион байгуулна.

2.3.6. Төсөл хөтөлбөрт өрх бүрийг жигд хамруулах боломжийг бүрдүүлнэ.

2.3.7. Орон нутгийн төсөл хөтөлбөрүүдийн уялдаа холбоог сайжруулна.

2.4. Ажлын байрыг нэмэгдүүлнэ

2.4.1. Ажилгүй амьжиргааны баталгаажих түвшингээс доогуур орлоготой иргэдэд мэргэжил олгох сургалт зохион байгуулж, бүлэг, нөхөрлөл, хоршоололд хамруулан ажлын байртай болоход нь дэмжлэг үзүүлж ажиллана.

2.4.2. Томоохон төсөл хөтөлбөрүүдийг хэрэгжүүлэхэд дэмжлэг үзүүлэн ажлын байр бий болгоно.

ГУРАВ. ДЭД БҮТЭЦ-ҮЙЛДВЭРЖҮҮЛЭЛТ

Бид хамтдаа сумынхаа үйлдвэрлэл, дэд бүтцийн хөгжлийг түүчээлнэ.

3.1. Ундны усны найдвартай эх үүсвэр.

3.1.1 Ундны усны асуудлыг бүрэн шийднэ.

3.1.2. Ус цэвэршүүлэх олон талт аргачлалыг нэвтрүүлэхийг зорьж ажиллана.

3.2. Эрчим хүчний өргөтгөл, шинэчлэл.

3.2.1. Цахилгаан эрчим хүчний салбарын шинэчлэлтийн ажлыг үргэлжлүүлж, шөнийн тарифт тоолуур бүрэн суурилуулна.

3.2.2. Сумын төвийн айл өрхүүдийг дэвшилтэт технологи нэгдсэн халаалтанд холбох асуудлыг судалж шийдвэрлэнэ.

3.3. Зам, тээвэр, үйлдвэржилтийн бүтээн байгуулалт.

3.3.1 Томоохон үйлдвэр, замын төслүүдийг дэмжиж үйлдвэр байгуулах нөхцөлийг бүрдүүлэн жишиг сумын хэмжээнд хүрнэ.

3.4. Хот байгуулалт, барилга орон сууцны хөгжил.


3.4.1 Сумд шинээр баригдах барилга болон хуучин барилгуудыг шинэчилж засварлах ажлыг сумын хөгжлийн ерөнхий төлөвлөгөөтэй уялдуулна.

3.4.2. Нэг Сум Нэг Үйлдвэр хөдөлгөөнийг дэмжиж иргэдийн орлого ашгийг нэмэгдүүлнэ.

3.4.3. Сургууль-ЗДТГ-ын барилгыг их засварт оруулна.

3.5. Мэдээлэл, харилцаа холбооны дэвшил.

3.5.1. Багуудын утасны сүлжээг сайжруулах ажлыг үүрэн холбооны компаниудтай хамтран зохион байгуулна.



3.5.2. Төв суурин газрыг утасгүй интернет хэрэглэх нөхцөл боломжийг судалж, хувийн хэвшилтэй хамтран хэрэгжүүлнэ.

ДӨРӨВ. БАЙГАЛЬ ОРЧИН-АЯЛАЛ ЖУУЛЧЛАЛ

Хүний үйл ажиллагаанаас үүдэлтэй байгаль орчны бохирдол, доройтлыг хязгаарлан зогсоож, хүн амын эрүүл аюулгүй орчинд амьдрах нөхцлийг бүрдүүлж, орон нутгийн онцлогт тохирсон аялал жуулчлалыг хөгжүүлнэ.

4.1 Онгон байгалиа хамгаалах.

4.1.1. Гэгээн нуур Наро-Банчин чиглэлийн аялал жуулчлалын маршруутын дэд бүтцийн асуудлыг шийдвэрлэж, цогцолбор төслүүдийг хэрэгжүүлнэ.

4.1.2. Сумын төвийн ногоон байгууламжийн усалгаа, арчилгааг бүрэн шийдвэрлэж, “НОГООН ОРЧИН” хөтөлбөр боловсруулан хэрэгжүүлнэ.

4.1.3. Мод тарьсан иргэдийг урамшуулах журам гарган хэрэгжүүлж, мод үржүүлэн орлого олох боломжийг бүрдүүлнэ.

4.1.4. “Ногоон хэрэм” үндэсний хөтөлбөр хэрэгжүүлэн таримал ойн талбайг нэмэгдүүлнэ.

4.1.5. Уул овооны тайлга тахилгыг холбогдох ном журмын дагуу гүйцэтгэж, уул усаа тахин хайрлан хамгаалах үзлийг нийт төлөвшүүлэх ажлыг зохион байгуулна.

4.1.6. Голын ай сав, цөлжилт, элсний нүүдэл бүхий газруудыг ойжуулах иргэд, аж ахуйн нэгжийн санал санаачлагыг дэмжиж ажиллана.

4.2. Орон нутгийн тусгай хамаалалтыг нэмэгдүүлнэ.


4.2.1. Аймаг, сумын тусгай хамгаалалттай газрыг шинэчлэн баталгаажуулах, ховор амьтан ургамал, түүх соёлын газрын хамгаалалтыг сайжруулах арга хэмжээ авна.

4.2.2. Байгаль орчны хуулийн дагуу иргэн бүр мэдээллэгч-хамгаалагч байх тогтолцоог бүрдүүлэн, урамшууллын систем тогтоож хэрэгжүүлнэ.

4.2.3. Ан амьтдын тооллогыг орчин үеийн багаж, тоног төхөөрөмж, арга хэрэгсэл ашиглан хийж, нөөцийн судалгааг шинэчлэн, байгаль хамгаалагчдын ажиллах нөхцөл боломжийг дээшлүүлнэ.

4.3. Цөлжилт элсний нүүдлээс хамгаалах, ногоон байгууламж.

4.3.1. Байгальд ээлтэй амьдрах ухааны хичээл сургалтыг бүх шатны боловсролын байгууллагатай хамтран хийж өсвөрийн байгаль хамгаалагчдыг удаан шингэдэг, задардаггүй хог хаягдал, сав баглаа боодлоос татгалзуулах ажлыг зохион байгуулна.



4.3.2. Бэлчээрийн хортон мэргэчидтэй тэмцэн, ногоон Тайшир болон байгальд ээлтэй томоохон төсөл хөтөлбөрүүдийг хэрэгжүүлж, иргэдийг эрүүл, цэвэр орчинд амьдрах орчин нөхцөлийг бүрдүүлнэ.

4.3.3. Булаг шандны эхийг хамгаалан, моджуулж, ургамалжуулах ажлыг малчид, хоршоо, нөхөрлөлтэй хамтран хийж, усны ундаргыг нэмэгдүүлнэ.

4.3.4. Үерийн уснаас хөрсний эвдэрлийг хамгаалан, үерийн усыг хуримтлуулан усалгаанд ашиглах хөв, цөөрөм, гар болон, гүн өрмийн худгийг 4-ээс доошгүйг улс орон нутгийн төсөв, төсөл хөтөлбөрийн хөрөнгөөр барьж байгуулна.

ТАВ. ИРГЭДИЙН ОРОЛЦОО – ЗӨВ ЗАСАГЛАЛ

5.1. Эрх мэдэлтнийг биш, эрх зүйт төрийг дээдэлнэ.

5.1.1. Төрийн албаны ажлын байранд тавигдах шаардлага бүрэн хангаж, нээлттэй шалгаруулалтанд шалгарсан хүнийг төрийн албанд томилдог зарчмыг бүрэн хэрэгжүүлнэ.

5.1.2. Төрийн албан хаагчдын сонгуулийн үр дүнгээр намын харъяалалаар хууль бусаар халж, сольж, албан тушаал бууруулж, албан тушаал дэвшүүлж томилдог буруу зуршлыг эцэс болгоно.

5.2. Түмэндээ ойртсон төрийн үйлчилгээ

5.2.1. Тулгамдсан, нэг шаардлагатай зорилтуудыг олж тодорхойлох, тэдгээрийг шийдвэрт тусгаж хэрэгжүүлэхийн тулд Иргэдийн Төлөөлөгчдийн Хурлын төлөөлөгчдийн үйл ажиллагааг тогтмолжуулж, шаардлагатай асуудлаар нээлттэй хэлэлцүүлэг зохион байгуулдаг болно.

5.2.2. Төрийн ажил үйлчилгээг иргэдэд нээлттэй хөнгөн шуурхай, чирэгдэл, хүндрэлгүй байлгах бүх нөхцөл шаардлагыг сумын түвшинд жигд хэрэгжүүлж ажиллана.

5.2.3. Багуудын ажлын нөхцлийг сайжруулж, багийн дарга, эмч нарыг багийн төв дээр тогтмол ажиллуулах боломжийг бүрдүүлнэ.


5.2.4. Иргэдээ сонсох нээлттэй утсыг байнга ажиллуулж, санал гомдлын мөрөөр бодит ажил зохиож, үр дүнг мэдэгдэж хэвшинэ.

5.3. Авилга хүнд суртал, чирэгдэлгүй зөв засаглал.

5.3.1. Төрийн байгууллагуудын хүнд сурталгүй, зарчимч, шуурхай, ил тод, нээлттэй байдлыг хангана. Үүний тулд шилэн данс, төрийн албаны бусад уахим үйлчилгээний нэр төрлийг нэмэгдүүлж, хүрээг өргөтгөнө.

5.3.2. Төрийн зарим чиг үүргийг иргэний нийгмийн байгууллага мэргэжлийн холбоод, төрийн бус байгууллагуудаар гүйцэтгүүлдэг болно.

5.4. Гэмт хэргээс урьдчилан сэргийлэх ажлыг зохион байгуулах.




5.4.1. Сумын төвийн баг байгууллагын асуудлыг судалж шийдвэрлэнэ.

5.4.2. малын хулгайтай тууштай тэмцэж, малын хулгайгүй сум болохыг зорино.

5.4.3. Хуулийн байгууллагын албан хаагчдын ёс зүйг сахиулж, хүний эрх, эрх чөлөөг хангана.

5.4.4. Сумын төвийг жишиг сумын хэмжээнд хүргэн гэмт хэрэггүй сум болгоно.



ТАЙШИР СУМЫН МАН-ЫН ХОРОО